


Հ Ա Ն Գ Ի Ս Տ

ԱՐԺԱՆԱՊԱՏԻՎ ՏԵՐ ՀՈՎՀԱՆՆԵՍ
ԱՎԱԳ ՔԱՀԱՆԱ ԳԻՐԳԻԴՅԱՆԻ

Սույն թվի հոկտեմբերի 29-ին Թբիլիսիում վախճանվեց լուսահոգի տեր Հովհաննես ավագ քահանա Գիրգիդյանը:

Տեր Հովհաննեսը ծնվել է Թբիլիսիում 1880 թվին, քահանայի ընտանիքում: Զիգրաշենի ծխական դպրոցը ավարտելուց հետո, նա մտել է Ներսիսյան դպրոցը, որտեղից դուրս է եկել լրիվ դասընթացը չավարտած, աչքերի տկարության պատճառով: Բժշկվելուց հետո, հոր խորհրդով, մտել է Ս. Գեորգ եկեղեցին դպիրի պաշտոնով: 1913 թվին ձեռնադրվել է քահա-

նա Մեսրոպ Մազիստրոս եպիսկոպոսի ձեռքով Կողա գյուղի վրա: 1914 թվին տեր Հովհաննեսը նշանակվել է Մանգլիսի ղինվորական քահանա և շրջակա գյուղերի հոգևոր հովիվ: 1919 թվին նա նշանակվել է Շվինտիսի և Կից գյուղերի ծխատեր քահանա, ուր



մնաց մինչև իր կյանքի վերջը:

Տեր Հովհաննեսը աչքի է ընկել շինարարական աշխատանքներով. նա Թոնեթ գյուղում կառուցել է նոր եկեղեցի, վերանորոգել է ներսից և դրսից Մանգլիսի ու Փոքր Թոնեթի եկեղեցիները, նորոգել է Շվինտիսի երկու եկեղեցիները, կառուցել է ուխտավորների համար սենյակներ և այլն:

Իր 50-ամյա գործունեության շրջանում, շնորհիվ իր անբասիր վարք ու բարքի, տեր - Հովհաննեսը միշտ սիրված և հարգված է եղել իր ժողովրդից: Նրա հու-

ղարկավորության եկել էին մասնակցելու ո՛չ միայն նրա հազարավոր հավատացյալները, այլև դրացի գյուղերից նրան ճանաչող վրացի հարյուրավոր հավատացյալներ:

Տերը լուսավորե նրա հոգին և արդարոց դասուն արժանի անե:

